

順治御註道德經

下篇

〔春秋〕老子○撰

〔清〕愛新覺羅・福臨○註

故宮出版社

御註道德經

下篇

第三十八章

上德不德。是以有德。下德不德。是以無

德。

不德者。相忘而化也。不失德者。執而未化也。

上德無為而無

以為。下德為之而有以為。

以者。有心也。無以為。是無心而

為之。有以為。則為容心矣。

上仁為之而無以為。上義為

之而有以為。上禮為之而莫之應。則攘臂

而仍之。

莫之應。強民而不從也。仍。引也。攘臂而仍。言掣拽以引之。形容強

之之意。

故失道而後德。失德而後仁。失仁而

後義。失義而後禮。夫禮者。忠信之薄。而亂

之首也。前識者。道之華。而愚之始也。

前識者。用

智也。華者。浮妄也。

是以大丈夫處其厚。不處其薄。

居其實。不居其華。故去彼取此。

厚與實。務內也。薄與

華。務外也。去彼取此。謂不為義禮之類。而為道也。

老子於此章。首言上德。非離道言德也。無乎不在之謂道。自其所得之謂德。上德者。得道之德也。下德者。失道而後德之德也。上德者。不思不勉而道自足。故

曰有德。下德者。勉強以求。僅不失耳。而何德之有。故曰無德。上德者不失道。道常無為。而無為之心。下德者不失德。德則有為。而有為之跡。至於仁義。皆不免於為之。其所以異者。仁以無為為勝。義以有為為功也。若禮。則其所以為之者。最詳。為之而不應。則至於攘臂而強之。強之而去道日遠矣。故自道五降。而至於禮。禮者。將以講忠信而止亂也。及夫強之而不應。則刑罰干戈。種種而有。故禮反為忠信之薄。而亂之首。猶之智以導愚。多智則惑亂本真。浮妄無實。反為道之華。而愚之始也。是以大丈夫處其厚。不處其薄。居其實。不居其華。忘仁去義。絕禮遺智。而志於道之大全。是之謂去彼取此。

第三十九章

昔之得一者。一者道也。天得一以清。地得一以

寧。神得一以靈。谷得一以盈。萬物得一以

生。侯王得一以為天下貞。其致之一也。致極。

也。言極其致。天無以清。將恐裂。破也。地無

以寧。將恐發。動也。神無以靈。將恐歇。消也。

谷無以盈。將恐竭。盡也。萬物無以生。將恐滅

也。侯王無以貞。而貴高。將恐蹇。仆也。故貴

以賤為本。

未有貴。乃貴之所自立。

高以下為基。

未有高。乃

高之所自起。

是以侯王自謂孤寡不穀。此其以

賤為本邪。非乎。

孤。寡。不穀。以賤自稱也。

故致數與無

輿。

致。至也。輿者。總名。若隨件而數之。則為輪。為輻。為輟。為軾。遂無輿矣。

不欲

碌碌如玉。落落如石。

碌。碌。燦然也。落落。塊然也。

此章言得道之妙。道一而已。天之所以清明。地之所以安靜。神之所以不測。谷

之所以能受萬物之所以生育。侯王之所以保正萬邦。極其致。皆同出於此。苟

不得此。則種種變遷。而天將毀裂。地將震動。神將消歇。谷將盡竭。萬物將枯槁。

侯王將不得有其高貴矣。夫為侯王者，
欲常有其高貴，則非得道不可。而道果
何在？乎？視之不見，執之無端，亦天下之
至微矣。惟其至微，即其至顯。猶之貴以
賤為本，高以下為基也。不見侯王乎？其
稱孤稱寡，稱不穀者，非自居於賤邪？而
貴之本在此矣。推其至如數車然，於車
之所有者，物物而數之，以為是車，且無
車矣。道之不可名，亦若是耳。豈能碌碌
如玉，落落如石，可以指稱之而貴賤之
耶。

第四十章

反者道之動。

反者復也。復歸於靜也。

弱者道之用。天

下之物。生於有。有生於無。

上言貴以賤為本。高以下為基。此復舉動靜強弱。而又推言有無之始也。復性則靜矣。然感而遂通天下之故。則動之所起也。道無形無聲。天下之至弱。而運動乎天地。則強莫加焉。故曰。反者道之動。弱者道之用。有天地。然後有萬物。故曰。物生於有。然天地之始。生於太虛。是為有生於無。有無相生。統歸之道。則首章有名無名之說也。

第四十一章

上士聞道。勤而行之。中士聞道。若存若亡。

下士聞道大笑之。不笑不足以為道。

勤而行者。

聞而必信也。若存若亡者。且信且疑也。

故建言有之。

建言者。古人所

立之言也。以下數句是也。

明道若昧。進道若退。夷道若

類。

類。同也。和光同塵之意。

上德若谷。大白若辱。

辱。汚也。

廣德若不足。建德若偷。

偷。苟且也。

質真若渝。

渝。變也。

也。改。

大方無隅。

大方者。太虛也。隅。東西南北之類。

大器晚成。

大音希聲。大象無形。道隱無名。夫唯道善

貸且成。

應人之乏。而終以見還。曰貸。

此章言世人信道之難。因述古人論道之語。上士知微。知彰。故聞道則勤行之。中士在微彰之際。故聞道而疑信相半。若存若亡而已。下士知彰而不知微。故聞道則直笑之。惟最下之人。以之為笑。方見吾道之高。故不笑。不足以為道也。古之立言者。不有云乎。明道若昧。無所不照。而非察也。進道若退。若止不行。而速者。莫或先之也。夷道若類。和之以是非。而無物我之別也。上德若谷。常處卑下。而受而不盈也。大白若辱。常居溷濁。而終不可涅也。衣被天下。而不有其仁。斯廣德若不足也。生育萬物。如無意然。斯建德若偷也。質真者不徇乎外。外不徇。則惟吾所之。故反若變改也。渾然太空。不立圭角。故大方無隅也。以若拙之

匠。陶鑄天下。自不為近功。故大器晚成也。以不言之教。鼓動萬物。自不事小說。故大音希聲也。事無事。莫觀其用。故大象無形。為無為。莫識其體。故道隱無名。夫惟善濟貸於萬物。而不責其報。是以萬物受其生成。而不知其德。故曰。夫惟道善貸且成。

第四十二章

道生一。一生二。二生三。三生萬物。方其為道。則一

亦未生。及其有一。即有二矣。如有陽。即有陰。有陰。陽則又有陰陽之交。豈非三乎。至於三。則無萬物負陰而抱陽。凡物皆背止於三。則無矣。萬物負陰而抱陽。于後。陰靜也。

耳目口鼻居前。陽動也。冲氣以為和。冲虛之氣。行乎陰陽之間。人

之所惡。惟孤寡不穀。而王公以為稱。此亦譬喻

有道者自卑賤之意。故物或損之而益。或益之而損。

滿招損。謙受益也。人之所教。我亦教之。強梁者不

得其死。吾將以為教父。棟亦曰梁。取其力

之強也。故曰強梁。母主養。父主教。故言生則曰母。言教則曰父。

此章言道以虛為用。而深戒滿盈也。道在無物之始。而世之自一而三。以至於萬。皆生於道。則萬物之多。莫不有道存焉。觀其負陰抱陽。而必有冲虛之氣以

和之。可見不虛則不生也。古之制名者。以卑下為王公之稱。亦貴虛之意耳。故物損之而反益。益之而反損。體此意也。則愈知能虛能無之妙矣。蓋古人嘗以此為教。而我亦教之。觀乎強梁者不得其死。吾蓋將以此言為教父也。

第四十三章

天下之至柔。馳騁天下之至剛。

馳騁。役使也。

無

有入于無間也。

無有。無形。無縫隙也。

吾是以知無

為之有益。不言之教。無為之益。天下希及

之。

學道者知強梁之足戒。則天下之道莫妙于用柔矣。故堅者易折。柔者常存。以至柔而行于至堅。如水之穿石。則知柔之莫可靡也。執有人有。捍不相受。以至無而入于至有。如氣之周身。則知無之莫可禦也。以此而觀。無為而無不為者。至理也。則不言而教自行。無為而功自成。天下孰能有及之者乎。

第四十四章

名與身孰親。身與貨孰多。

多。猶重也。

得與亡孰

病。是故甚愛必大費。

有所愛。則凡可以求之者。無所不為。能無

費手。多藏必厚亡。

藏之多。則攻之者必衆。能無亡乎。

知足不

辱。

知足者。樂今有之已多。

知止不殆。

知止者。懼後加之有損。

可。

以長久。

此章言學道則自反而足。勿務外求也。狗名與貨。多至傷身。亦知身之親于名。重于貨乎。得名得貨。而亡其所存。則得與亡孰病乎。是以甚愛者必大費。多藏者必厚亡。而惟知足則無求。無求則無辱。知止則不進。不進則不危。以是守身。長久之道也。

第四十五章

大成若缺。其用不敝。

事成則敗之者至。若缺者不自謂成也。

大盈若冲。其用不窮。器盈則損之者至。若冲者不自見盈也。

大直若屈。循理而行。委曲皆直。大巧若拙。付物自然。雖拙而巧。

大辨若訥。訥者。若不出口也。因理而言。雖訥而辨。躁勝寒。躁則

氣盛。故能勝寒。靜勝熱。靜則氣斂。故能勝熱。清靜為天下正。

清勝濁。靜勝動。以清靜理之。天下自安。

此章言虛靜之妙。有成則有缺。大成者常若缺。則其用不敵矣。有盈則有虛。大盈者常若虛。則其用不窮矣。大直者常若屈。曲則全也。大巧者常若拙。不自矜也。大辨者常若不能言。以理應之。無多言也。今夫寒暑。天地之氣。有人于此。一

躁馬。則可以勝寒。一靜馬。則可以勝熱。一時之躁。一時之靜。非人身之正也。而猶能有所勝。然則清靜之可以正天下。不待言矣。而又何疑于成缺盈虛之數乎。

第四十六章

天下有道。却走馬以糞。

却。屏去也。糞。糞田也。

天下無

道。戎馬生于郊。

戎馬。戰馬也。郊。四野也。

罪莫大于可

欲。

心見可欲。非理而求。

禍莫大于不知足。

不知足。則求而不已。

必害人。咎莫大于欲得。

欲而必得。其心愈熾。

故知足之